



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

---

**PRIJEDLOG**

Na osnovu člana 8. stav 3. alineja 9. i člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06) i člana 14. Statuta općine Tešanj ("Službeni glasnik Općine Tešanj", 11/07) Općinsko vijeće Općine Tešanj, na redovnoj sjednici održanoj, dana, \_\_\_\_\_ 2015. godine, d o n o s i

**O D L U K U**

**O davanju na korištenje nekretnine Javnoj ustanovi  
“Centar za djecu i odrasle osobe s posebnim potrebama” Zeničko-dobojskog kantona**

**Član 1.**

Općina Tešanj daje na korištenje Javnoj ustanovi “Centar za djecu i odrasle osobe s posebnim potrebama” Zeničko-dobojskog kantona, objekat za potrebe rada poslovne jedinice Centar za djecu i odrasle osobe s posebnim potrebama u Tešnju i to;

- poslovne prostorije ukupne korisne površine 278,79 m<sup>2</sup> u objektu Centar za djecu i odrasle osobe s posebnim potrebama u Tešnju, izgrađenom na parcelama k.p.broj 527/1 i k.p.broj 528/1, K.O. Tešanj II, PL broj 1317, što odgovara starom premjeru k.č.broj 73/144 i 73/143 K.O. Tešanj, koje su prema podacima katastra zemljišta i zemljišne knjige upisane na posjednika i vlasnika Općina Tešanj sa dijelom 1/1, na period od deset godina.

**Član 2.**

Na nekretninama iz člana 1. i člana 2. ove Odluke neće se vršiti promjena upisa u evidencijama o zemljištu.

**Član 3.**

Općinski Načelnik se ovlašćuje da može zaključiti ugovor o međusobnim pravima i obavezama sa Javnom ustanovom “Centar za djecu i odrasle osobe s posebnim potrebama” Zeničko-dobojskog kantona.

**Član 4.**

Sastavni dio ove Odluke je Izvod iz posjedovnog lista broj 1317 i Situacija iz Glavnog projekta "Dnevni centar za djecu sa posebnim potrebama u Tešnju" na kome je prikazan objekat iz člana 1. ove Odluke.

**Član 5.**

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

**PREDSJEDAVAJUĆI  
OPĆINSKOG VIJEĆA**

SENAD Subašić, dipl.ecc

## **O b r a z l o Ź e n j e**

### **PRAVNI OSNOV:**

Na osnovu člana 8. stav 3. alineja 9. i člana 13. stav 2. alineja 5. Zakona o principima lokalne samouprave („Službene novine Federacije BiH“, broj: 49/06) i člana 14. Statuta Općine Tešanj ("Službeni glasnik Općine Tešanj“, broj: 11/07).

### **RAZLOZI ZA DONOŠENJE**

Objekat Centar za djecu i odrasle osobe s posebnim potrebama u Tešnju, izgrađen je na parcelama k.p.broj 527/1 i k.p.broj 528/1, K.O. Tešanj II, PL broj 1317, što odgovara starom premjeru k.č.broj 73/144 i 73/143 K.O. Tešanj, koje su prema podacima katastra zemljišta i zemljišne knjige upisane na posjednika i vlasnika Općina Tešanj sa dijelom 1/1.

Općina Tešanj daje na korištenje Javnoj ustanovi "Centar za djecu i odrasle osobe s posebnim potrebama" Zeničko-dobojskog kantona, objekat za potrebe rada poslovne jedinice Centar za djecu i odrasle osobe s posebnim potrebama u Tešnju na period od pet godina.

Uz postojeći objekat Dječijeg obdaništa je dograđen objekat "Centar za djecu i odrasle osobe s posebnim potrebama" i čine zasebne cjeline što je i prikazano u Glavnom projektu "Dnevni centar za djecu sa posebnim potrebama u Tešnju" urađenom od strane "ARHITEKT" d.o.o. Doboj, oznaka: ARH-01-3-/15 mart 2015.g.

Ulazi u objekte su omogućeni preko k.p.br. 528/1 K.O. Tešanj II.

Prijedlog Odluke je utemeljen na zakonu, te se predlaže općinskom vijeću na razmatranje.

Uz prijedlog se dostavlja Izvod iz posjedovnog lista broj 1317 i Situacija iz Glavnog projekta "Dnevni centar za djecu sa posebnim potrebama u Tešnju" na kome je prikazan objekat iz člana 1. ove Odluke.

**O B R A Ā I V A Ć:**  
**POMOĆNIK OPĆINSKOG NAĆELNIKA**  
Služba za društvene djelatnosti i  
investicije

Muslija Azra, dipl.pravnik

**P R E D L A G A Ć:**  
**OPĆINSKI NAĆELNIK:**  
OPĆINE TEŠANJ

mr.sc.Suad Huskić, profesor

Broj: 02-49-2-181/16.

Dana, 15.02.2016.g.